

ادبیات عمومی و تجربی

هفته‌لق سیاسی ، علمی و ادبی غزته‌در

جلد : ۲

سنه : ۱ ۱۱ ذی الحجه ۱۳۳۵ جمعه ایرتسی ۲۹ ایلول ۱۹۱۷ نوسرو ۴-۳۵

فضیلت - مفسدت

[بیوک زومانجیمز حسین رحیمی بک، کیتدکجه فیلسوف اولیور. بوندن صکره استادک یازده جقلری رومانلرده فلسفه و حکمت دها زیاده تبارز ایده جکدر. خصوصیات ملیه مزری ، رنگ محلیمزى ، او وعائله عالمی مزى ، نقائصمزى ، فضائلمزى متعدد سر اثرلره تثبیت و بونلرک اخلاقه بیلمه‌سنه هپمزدن فضله بذل مقدور ایدن حسین رحیمی بک رقیق و دقیق بر پسیقولوژی نمونه‌سی اولان مقاله آتیه‌سنی قارئلرمرک انظار تقدیرلرینه عرض ایدرز. استاد ، آره‌صره کوزل اثرلر اهدا واحسانیه مجموعه مزى حمایه ایده جکدر .]

ایشته انسانیت ترازینسک ایکی کوزینه موضوع ، بربرینه ضد فقط همان غیر مفارق بر چفت کله که فانیلرک حسنات و سیاتی بونلره تارتیلیر ...
فضل ایله فساد یکدیگرینه بوقدر یاقین کوستردیکمه بلکه اعتراض ایدن اولور . وجودله عدم کی هرشی ضدیله تعین ایدر . بری اولماسه دیکری ناصل تظاهر ایده‌بیلیردی ؟
دینه‌بیلیرکه فاضللر فضیلتلرینی مفسدلره مدیوندرلر . چونکه فضلك قیمتی مفسدلرک افسادی یوکسلتیور .

اخلاق نه اولدیغنی بزه تلقینه باشلادقلری کوندنبری فضیلته قارشى میل و حرمتمزى جلبه و مفسدتدن بزى تنفره اوغراشیرلر . هر ملتک اخلاقى هدفی بو دکلیدر ؟ فقط نه‌دن حالا فضیلت مفسدته مغلوبدر ؟ و اجتماعی هیئتلر ، فاضلن زیاده مفسدلرله طولودر ؟ اگر فضل فساده غالب کله ایدی شمدی به قدر دنیا دوزلش اوله جقدی . فاضللر عدداً مفسده فائق بولونه‌ایدی ، مدنی مملکتلرده اشرایی قبالی طوتمق ایچون مدرسه و مکتبلره ضمیمه حبسخانه‌لرده انشا اولونمازدی .. انسانیت بو خصوصده خسته‌در . بو مرضدن رهایاب اوله‌بیلمه‌سندن اک بیوک فیلسوفلر تاامید ...
انسانلردن بر قسمنک مدار تفضل ایدیندقلری فضیلت سوزیلر و همان بتون بشریتک نفرین و تلغینه یاد ابتدیی مفسدت کله‌سنک ، شهوت بوايکی تعبیرک حقیقی مدلولرینه واقعی‌یز ؟ فضیلتله مفسدتک ، خیر ایله شرک حدودلرینی واضحاً تعین ایده‌بیلیرمی‌یز ؟ بو طالده هرشی اضافی ایسه

غزل

[علی امیری افندی حضرتلری ، بر قاچ عصرده رونق
 وحلاوت بولان اسان قدیم نظمیزی هرکسدن زیاده موفقیتله
 استعماله موفق اولمش بر بیوک شاعر مژدر . نفی و فضولی
 لسانی ، امیری ایله تکمل ایدیور . بو وادیده هیچ بر ادیب
 جناب امیری یه تقدم ایتمه مشدر . لسقوفچه لی عون و هر سکل
 عارف حکمت بکمر مکتب قدیمک صوک و اک بیوک استادلری
 تلقی اولونیورلردی . بز ، بو ایکی شاعر بدیع المآثر مژک قیمت
 ادبیله لرنی تقدیر ایله برابر بو پایه یی علی امیری افندی استاد مژه
 ویرر و بونده حقسنز اولمديغمیزی آتیده کی غیر مطبوع ، لکن
 اوتوزسنه اول انشاد و بوکره لطفاً مجموعه مژه اهدا بیوردقلری
 غزل مطبوعلری ایله اثبات ایدرز .]

باقدم بشرک حاله دنیا یه کوچندم
 حل اولدی کیتدی بومعمایه کوچندم
 اقوام بشر بر پدر اولادی دکلی ؟
 عالمده اولان شورش غوغایه کوچندم
 مقصود حقیقی وطنک شانیدر آنجق
 قصدنده معلل اولان ابنایه کوچندم
 نادان ایله صحبت نه قدر مشکل ایمش آه
 محروم بصیرت اولان اعمایه کوچندم
 مقصدلری اوغرنده نه جانلر تلف اولدی
 بن مسلک اسکندر و دارایه کوچندم
 مردهانه کلام ایتملیدر مرده سخندان
 ابروی دلاراده کی ایمایه کوچندم
 بیکسله کوردکجه زمین اوزره پریشان
 دنیا یه باقان چشم تماشایه کوچندم
 جان ویردیکم آفت بکا بر آفت جاندر
 وصلنده کی فوق امل افزایه کوچندم
 احوال وطنده کورولن مسلک السوس

قان آغلادینم دلبر رعنايه کوجندم
 جنت کیدر شمدی بگا کوشه نسیان
 بن سلسله آدم و حوايه کوجندم
 حلنده محقلری دمبسته کورنجه
 انشای عوالده کی معنايه کوجندم
 محرم اوله لی مجلس ارباب یقینه
 دنیاده کوزم وار دین اعمایه کوجندم
 صحرای عوالده کی شورشاره باقدم
 تدبیر زمین پرور بالایه کوجندم

علی امیری

(مهد ماضی) دن :

غزل

قیام ایدرسه او آفت دم قیامت اولور
 بنم قیامت عمرم اوسرو قامت اولور
 یولنده جان ویریشم قورقارم که سودیکمه
 وسیله الم و باعث ندامت اولور
 سواد زلف هوی آشیان و جان بندی
 گیرسه بویه لیل ضلال امت اولور
 نه وارسه کشور خاطرده ایلسون تاراج
 نگاه کافره ایمان ده بر غنیمت اولور
 لفای شوخی بر کره ثوله دن گورسه م
 گوروب اوچهره بی ثولک حیاته نعمت اولور

سلیمانہ ظیف

بروسه ، نسیان ۱۳۲۰